



COMUNE DE PÀDRIA

DELIBERATZIONE DE SU CONSÌGIU COMUNALE N. 37 DE SU 25/11/2022

OGETU: PIANU INTERCOMUNALE DE PROTETZIONE TZIVILE APROVADU DAE S'ASSEMBLEA DE S'UNIONE DE SOS COMUNES DE SU BIDDANOIA – LEADA A CUNSIDERU E ACOLLIDURA.

S'annu duamìgia e bintiduos sa die bintichimbe de su mese de santandria a sas 17:00, AULA CONSILIARE, a pustis de avisu de cunvocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima cunvocatzione, su Consìgiu Comunale, de su cale a s'apellu resurtant:

:

SAMBENADU E NÙMENE	PRESENTE
DUT.RE MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	EMMO
CONTU DANILO	--
PIRAS ANGELO	EMMO
DOMINICI SANTO	EMMO
MANCA ALESSANDRA	EMMO
SERRA ANTONIO	EMMO
MASCIA ANGELA RITA	EMMO
Presentes n°6 Ausentes n°3	

Partètzipat su SEGRETÀRIU COMUNALE DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decarat aberta sa setziada pro trattare de s'ogetu giutu torra in subra.

SU CONSÌGIU COMUNALE

Recramadu s'articulu 12 de su *Còdighe de sa protetzione tzivile* (a s'ghire *Còdighe*) aprovalu cun D. Lgs. 2 de ghenàrgiu de su 2018, n. 1, chi tratat "*Funtziones de sos Comunes e esertzìtziu de sa funtzione assotziada in s'àmbitu de su Servìtziu natzionale de sa protetzione tzivile*" chi apostìvigat chi s'acumprida, in àmbitu comunale, de sas atividades de pianificatzione de protezone tzivile e de diretzione de sos sucursos cun riferimentu a sas istruturas de appartenèntzia, est funtzione fundamentale de sos Comunes chi podet èssere acumprida puru in forma assotziada;

Leadu a cunsideru chi, pro s'acumprida de sa funtzione de protetzione tzivile e de diretzione de sos sucursos sos Comunes, puru in forma assotziada, assegurant s'acumprida de sas atividades de protetzione tzivile in sos territòrios respetivos, cunforma a cantu apostìvigadu dae sa pianificatzione de sa cale a s'articulu 18 *Còdighe*, in su respetu de sas dispositziones cuntènnidas in su *Còdighe*, de sas atributziones de sas cales a s'art. 3, de sas leges regionales in matèria de protezone tzivile, e in coerèntzia cun cantu prevìdidu dae su decretu legislativu 18 de austu de su 2000, n. 267, e mudaduras imbenientes e, in particulare, pruvìdint, a manera s'ghida:

- a) a s'acumprida, in àmbitu comunale de sas atividades de preventzione de sos arriscos de sos cales a s'articulu 11, comma 1, litera a) de su *Còdighe*;
- b) a s'adotzione de totu sos pruvìdimentos, includos cussos relativos a sa pianificatzione de s'emergèntzia, netzessàrios a assicurare sos primos sucursos in casu de disauros in àmbitu comunale;
- c) a s'ordinamentu de sos ufìtzios pròpios e a sa disciplina de sas protzeduras e modalidades de organizatzione de s'atzione amministrativa ispetzìficas e semplificadas pro pruvìdine a ammaniare sas istruturas e sos mèdios netzessàrios pro s'acumprida de sas atividades relativas, pro nd'assicurare luego s'operatividade e sa risposta in occasione o in casu de sos eventos de sos cales a s'articulu 7 de su *Còdighe*;
- d) a sa disciplina de sa modalidade de impitu de personale qualificadu de impreare, in occasione de acadessimentos chi s'averigant in su territòriu de àteros comunes, a sustennu de sas amministratziones locales interessadas;
- e) a s'ammanadura de sos pianos comunales o de àmbitu, cunforma a s'articulu 3, comma 3 de su *Còdighe*, de protetzione tzivile, puru in sas formas assotziativas e de cooperatzione prevìdidas e, in base a sos indiritzos natzionales e regionales, a su contivìgiu de s'atuatzione issoro;
- f) no apena s'averigant situatziones de emergèntzia de sas cales a s'articulu 7 de su *Còdighe*, a s'ativatzione e a sa diretzione de sos primos sucursos a sa populatzione e de sos interbentos urgentes netzessàrios a afrontare sas emergèntzias;

- g) a sa vigilàntzia subra de s'acumprida dae parte de sas istruturas locales de protetzione tzivile de sos servìtzios urgentes;
- h) a s'impitu de su voluntariadu de protetzione tzivile a livellu comunale o de àmbitu, cunforma a s'artìculu 3, comma 3 de su *Còdighe* in base a sos indiritzos natzionales e regionales;

Reconnotu chi s'Assemblea de sos sìndigos de s'Unione at cumpartzidu a manera totu de acordu s'oportunidade de providire a redatzionare su Pianu de Protetzione Tzivile Intercomunale, cun una definitzione a sa minuda de sos iscenàrios de arriscu pro Comune e de sos puntos críticos relativos, un'allacandadura noa de sos setores in sos iscenàrios diferentes e s'uniformidade issoro e sebestadura de sas àreas e de sos percursos de fuida, una verìfica puntuale e aggiornamentu de sa situatzione de sos elementos a arriscu a fora de sas resursas (àreas, locales, personale e atrezaduras);

Consideradu chi:

- su Pianu Intercomunale de Protetzione Tzivile de s'Unione de sos Comunes de su Biddanoa definit s'istrutura operativa in gradu de fàghere fronte a situatziones de emergèntzia, a manera ispetzìfica pro cussos arriscos chi ant prus possibilidade de s'averiguare in su territòriu, ma cun modellos de interbentu chi podent èssere impitados in totu sos casos de acadessimentos chi si podent previdire e chi non si podent previdire, pro nche barigare s'emergèntzia e torrare a sas cunditziones de vida normales;
- su Pianu est, duncas, su sustennu operativu a su cale sos Sìndigos de s'Unione, o sos delegados issoro, si riferint pro gestire s'emergèntzia cun su livelli màssimu de eficatzidade;

Consideradu chi su Pianu Intercomunale de Protetzione Tzivile de s'Unione Comunes de su Biddanoa est unu traste de traballu acumpridu e caladu subra de una situatzione chi s'assimìgiat, cunforma a sas connoschèntzias iscientificas de s'istadu de arriscu de su territòriu, de aggiornare e integrare a manera perìodica, non solu cun riferimentu a s'elencu de òmines e mèdios, ma mescamente in relata a sas noas, dàbiles, connoschèntzias subra de sas cunditziones de arriscu chi cajonent cunsideros diferentes de sos iscenàrios. Duncas, sa valididade de su Pianu no est illimitata ca custu cheret aggiornadu posca de sa mudadura de sos assentos territoriales chi bi sunt e puru de sas istruturas operativas e de sa disponibilidade de resursas umanas e istrumentales;

Atesu chi:

– cun Deliberatzione de s'Assemblea de s'Unione Comunes de su Biddanoa n° 9 de su 16/02/2022 est istadu adotadu su Pianu intercomunale de Protetzione Tzivile;

– cun Deliberatzione de s'Assemblea de s'Unione Comunes de su Biddanoa n. 17 de su 14.04.2022 est istadu aprovalu a manera definitiva su Pianu Intercomunale de Protetzione Tzivile;

Bidu s'artìculu 42 de su Decretu Legislativu 18 de austu de su 2000, n. 267 chi attribuit a sos Consìgios sa cumpetèntzia, tra sas àteras cosas, a adotare trastes de natura pianificatòria;

Bidu s'art. 1, comma 112, de sa Lege 7 de aprile de su aprile 2014, n. 56 cunforma a su cale si sos comunes chi faghent parte de s'unione cunferint a s'unione sa funtzione de protetzione tzivile, a **s'Unione tocant s'aprovatzione e s'aggiornamentu de sos pianos de emergèntzia** de sos cales a s'artìculu 12 de su *Còdighe*, e puru sas atividades de preventzione e aprovigionamentu connessas, mentres sos s'indigos de sos comunes restant titulares de sas funtziones de sas cales a s'artìculu 12 comma 5 de su *Còdighe*;

Bidu s'art. 12, comma 4 de su *Còdighe* chi apostìvigat chi su comune, e duncas s'Unione de su Biddanoa comente ente delegadu, aprovat cun deliberatzione consiliare su pianu de protetzione tzivile comunale o de àmbitu, redatzionadu cunforma a sos critèrios e modalidades de definire cun diretivas adotadas cunforma a s'artìculu 15 e cun sos indirizos regionales de sos cales a s'artìculu 11, comma 1, litera b) de su *Còdighe*;

Evidenziadu, puru, chi sa deliberatzione de aprovatzione, cunforma a s'art.12 de su *Còdighe*, disciplinat, puru, mecanismos e protzeduras pro sa revisione periòdica e s'aggiornamentu de su pianu, a manera dàbile rinviende-los a atos de òrganos de governu de s'Unione e de sos comunes s'ingulos chi nde faghet parte pro sa parte de cumpetèntzia pròpia, o de s'istrutura amministrativa cumpetente, e puru sas modalidades de difusione a sos tzitadinos.

Bidos sos elaborados de su Pianu Intercomunale de Protetzione Tzivile de s'Unione Comunes de su Biddanoa e in particolare cussos chi pertocant su comune de Pàdria, chi pertocant s'arriscu de fogu a curtzu a su tzentru o giassos abitados e idrogeològicu:

1. 1_Relata generale
2. 2_Relata tècnica
3. 3_Sistema de allertamentu locale
4. 4_Modellu de interbentu
5. 5_ Ischedas de sas protzeduras modellu de interventu
6. Allegadu A - Ischedas puntos crìticos arriscu Geomorfològicu

7. Allegadu A1 – Ischedas puntos críticos arriscu idràulicu
8. Allegadu B – Ischedas àreas de emergèntzia
9. Allegadu C – Ischedas de protocollu de collaboratzione
10. TAV. 1C – Perigosidade fogos
11. TAV. 2C – Arriscu fogos
12. TAV. 3C – Arriscu geomorfològicu
13. TAV. 4C – Àreas de emergèntzia
14. TAV. 5C – Puntos de monitoràgiu idràulicu
15. TAV. 6C – Iscenàrios de fogos chi minetzant giassos in ue b’at puru òmines

Bidu su D. Lgs. 2 de ghennàrgiu de su 2018, n. 1;

Bida sa delibera de sa Giunta Regionale de sa Sardigna n. 20/10 de su 12/04/2016;

Achisidu su parre a favore de su responsàbile de s’Àrea Tècnica, cunforma e pro sos efetos de s’art. 49 de su D. Lgs. 18 de austu de su 2000, n. 267;

Riferidu chi subra de custa proposta est istadu fatu, cun èsitu a favore, su controllu de regularidade amministrativa a incuru de su Segretàriu Comunale;

Intesa s’illustratzione de su Sindigu;

Cun votatzione de sos presentes totu de acordu e a favore,

DELÌBERAT

Sa premissa narrativa est parte integrante e sustanziale de custu provedimentu;

de approvare cunforma e pro sos efetos de s’art. 1, comma 112, de sa Lege 7 de abriale de su 2014, n. 56 e art. 12, comma 4 de su D. Lgs. 2 de ghennàrgiu de su 2018, n. 1, sos atos de revisione e de aggiornamentu de su Pianu de protetzione Tzivile Intercomunale de s’Unione de sos Comunes de su Biddanoa, in s’àmbitu de sa gestione in forma assotziada de sa funtzione de Protetzione tzivile subra de delegatzione de sos Comunes de Biddanoa Monteleone, Romana, Pàdria e Mara;

de incarrigare su responsàbile de sos servìtzios tècnicos de s’ente a sos acumprimentos netzessàrios prevididos cunforma a sas indicatziones de su servìtziu cumpetente de sa Regione Autònoma de sa Sardigna, in su sistema informativu regionale de protetzione tzivile (SIPC);

de reconnòschere chi sa revisione periòdica e s’aggiornamentude su pianu in sas partes dinàmicas e

operativas suetas a mudaduras periòdicas (organigramma politicu, organigramma tènicu, nòminas ecc.) at a èssere fata cun atos de su Sìndigu e/o de sa Giunta comunale e/o o de s'istrutura amministrativa cumpetente e comunicada luego a s'Unione Comunes de su Biddanoa;

di reconnòschere chi:

- totu sos elaborados de su Pianu sunt disponìbiles in consultazione in sa sede de su comunale de Pratzza de su Comune n. 1, in formadu eletrònicu;
- totu sos elaborados de su Pianu sunt disponìbiles in consultazione in su giassu Internet comunale e in su giassu de s'unione de sos Comunes (<https://www.unionecomunivillanova.it/index.php/tzente/articoli/75>);
- chie si siat at a pòdere rechedere un'apuntamentu pro cale si siat acraradura e/o consultazione de sos elaborados de su Pianu a sos responsàbiles de sos servìtzios tènicos.

Cun àtera votazione de sos presentes totu a favore,

DELÌBERAT, PURU,

De declarare custu provedimentu luego esecutàbile cunforma a s'art. 134 comma 4 de su d.lgs. n. 267/2000 e mm.ii.ii; reconnota s'urgèntzia de garantire sas formas de publicidade e s'acumprida cuncreta de su traste de pianificatzione mentovadu in antis.

PARRE DE REGULARIDADE TÈNICA

Cunforma a s'art. 49 c.1 d su T.U.E.L. su Dirigente/P.O. **SERRA ALBERTO** in data **22/11/2022** at espressadu parre

A FAVORE

SU SÌNDIGU DUT. MURA ALESSANDRO

SU SEGRETÀRIU COMUNALE DUT.
CARTA GIANCARLO

NOTA DE PUBLICATZIONE N. 931

Cunforma a s'art. 124 de su T.U. 267/2000 su Responsàbile de sa Publicatzione **SEGRETARIO COMUNALE DUT.CARTA GIANCARLO** atestat chi in data 25/11/2022 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia

Còpia digitale de documentu informàticu firmadu e produidu cunforma a su D.Lgs 82/2005 e normas respetivas cullegadas

CONSÌGIU Atu N.ru 37 de su 25/11/2022